

Ամսաթիվ

2012-06-28

Գործի No

ԵԱԴԴ/0074/02/12

Դատարան

Աջափնյակ և Դավթաշեն վարչական շրջանների ընդհանուր իրավասության դատարան

Հայցվոր

Դանիել Իոաննիսյան, Բայանդուր Պողոսյան, Հասմիկ Սիմոնյան

Պատասխանող

"Մեկ Ազգ" կուսակցություն

Խնդիր

Պատվի, արժանապատվության և գործարար համբավի պահանջի մասին

Դատական ակտ

ԳՈՐԾ ԹԻՎ ԵԱԴԴ 0074/02/12

Վ Ե Ի Ռ

ՀԱՆՈՒՆ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

28 հունիսի 2012թ.

քաղ. երևան

ՀՀ Երևան քաղաքի Աջափնյակ և Դավթաշեն վարչական շրջանների ընդհանուր իրավասության դատարանը

Նախագահությամբ՝

դատավոր Անի Մխիթարյանի

Քարտուղարությամբ՝

Արմինե Սարգսյանի

Մասնակցությամբ՝

հայցվորներ Բայանդուր Պողոսյանի

/բնակվող՝ ք.Երևան, Նազարբեկյան թաղ., 1աշ., բն.7,

անձնագիր՝ AH 0516815/

Դանիել Իոաննիսյանի

/բնակվող՝ ք.Երևան, Հալաբյան փ.72., բն.51,

անձնագիր՝ AM 0339263/

պատասխանող Գոռ Թամազյանի

/բնակվող՝ ք.Երևան, Շինարարների փ., 31շ., բն.72,

անձնագիր՝ AK 0673812/

Դռնբաց դատական նիստում քննելով քաղաքացիական գործն ըստ հայցի Դանիել Իոաննիսյանի, Բայանդուր Պողոսյանի, Հասմիկ Սիմոնյանի ընդդեմ 'Մեկ Ազգ' կուսակցության՝ պատասխանող կազմակերպությունից հայցվորների պատիվը, արժանապատվությունը և գործարար համբավը արատավորելու համար գումարի բռնագանձման, ինչպես նաև հրապարակային ներողություն խնդրելու պահանջի մասին՝

ՊԱՐԶԵՑ

I

1. Դատավարական նախապատմությունը

Դանիել Իոաննիսյանը, Բայանդուր Պողոսյանը, Հասմիկ Սիմոնյանը հայցադիմում են ներկայացել դատարան ընդդեմ՝ Մեկ Ազգ'կուսակցության՝ պատասխանող կազմակերպությունից հայցվորների պատիվը, արժանապատվությունը և գործարար համբավը արատավորելու համար գումարի բռնագանձման, ինչպես նաև հրապարակային ներողություն խնդրելու պահանջի մասին՝, որը ՀՀ Երևան քաղաքի Աջափնյակ և Դավթաշեն վարչական շրջանների ընդհանուր իրավասության դատարանի դատավոր Ա. Մխիթարյանի 02.02.2012թ. որոշմամբ ընդունվել է վարույթ:

ՀՀ քաղաքացիական դատավարության օրենսգրքի 22.2 գլխի կանոնների համաձայն գործը նախապատրաստվել է դատաքննության:

Պատասխանողը հայցադիմումի վերաբերյալ պատասխան է ներկայացրել:

Հակընդդեմ հայց չի հարուցվել:

Դատավարության այլ մասնակիցներ չեն ներգրավվել:

2. Հայցվորի դիրքորոշումը

Հայցվորը հայտնել է, որ 2011թ. դեկտեմբերի 28-ին facebook.com ինտերնետային հասցեում գտնվող աշխարհի ամենաշատ օգտատերերը ունեցող facebook սոցիալական ցանցում՝ Մեկ ազգ կազմակերպությունների դաշինքի՝ էջում հրապարակվել են հայցվորների նկարները, որոնց կից գրվել են սուտ /գրպարտիչ/ տեղեկություններ հայցվորների մասին և վիրավորանքներ հայցվորների հասցեին:

Մասնավորապես, Դանիել Իոաննիսյանի մասին՝ Մեկ ազգ

կազմակերպությունների դաշինքը՝ /այսուհետ դաշինք/ հայտարարել է, որ վերջինս՝ 'համասեռամուլների պաշտպան է, ով դատապարտում է Մեկ ազգ դաշինքի պայքարը ընդդեմ համասեռամուլության...Սա Րաֆֆի Հովհաննիսյանի երիտ. թևի անդամ է... ակտիվ անդամ... ճանաչեք հայեր, թե ովքեր են տուրք տալիս անբարո բարքերին...ձեր արևտամետ լեռնական ու Րաֆֆիական ճամբարը կուղարկեն գրողի ծոցը...ձեր անբարո գաղափարների հետ...միայն զորեղ Հայաստան, միայն Հայ Առաքելական Եկեղեցի...Այս խեղկատակը նույնիսկ ազգությամբ հայ չէ...':

Սակայն Դանիել Իոաննիսյանը, լինելով բավականին հայտնի հասարակական գործիչ, երբեք հանդես չի եկել համասեռականների պաշտպանությամբ և երբեք չի դատապարտել դաշինքի պայքարը ընդդեմ որևէ մեկի /այդ թվում

համասեռականների/: Դանիել Իոաննիսյանը Րաֆֆի Հովհաննիսյանի ոչ մի թևի անդամ չէ: Ծիշտ է՝ դաշինքը չի պարզաբանել, թե ստ իրենց՝ կոնկրետ ինչպիսի անբարո բարքերի տեր է Դանիել Իոաննիսյանը, բայց վերջինս ոչ մի անբարո արարք երբեք թույլ չի տվել և անբարո բարքեր չի կրել:

Հայտարարության մեջ նաև սպառնում են, որ դաշինքը այլ անձանց հետ մեկտեղ Դանիել Իոաննիսյանին՝ կուղարկի գրողի ծոցը՝, ինչը վիրավորական է: Բացի այդ անհիմն փաստում են, որ վերջիններս /այդ թվում՝ Դանիել Իոաննիսյանը/՝ անբարո գաղափարներ՝ են կրում, ինչը կրկին սուտ է ու գրպարտանք:

Դանիել Իոաննիսյանին վերաբերվող հայտարարությունում նաև ասվում է, որ վերջինս խեղկատակ է և ազգությամբ հայ չէ: Այդ տեղեկությունները ևս գրպարտիչ են և բացարձակապես չեն համապատասխանում իրականությանը, քանի որ Դանիել Իոաննիսյանը խեղկատակ չի, երբեք կրկեսում չի աշխատել, ազգությամբ

հայ է:

Հայ չլինելու մասին հայտարարությունն ամենաշատն է արատավորում Դանիել Իօաննիսյանի գործարար համբավը, քանի որ վերջինս ու իր բոլոր նախնիները առնվազն վերջին հարյուր տարում ծնվել ու մեծացել են այժմյան Հայաստանի ու Արցախի տարածքում, կրել են հայկական ազգանուններ, նրանցից ոմանք մասնակցել են Հայաստանի պաշտպանությանը, եղել են Հայ Առաքելական եկեղեցու հոգևոր սպասավորներ /իսկ հայկական կողմից Դանիել Իօաննիսյանը նաև Հայաստանի վերջին արքայական դինաստիայի՝ Բագրատունիների հետևորդներից է/:

Դանիել Իօաննիսյանը բավականին հայտնի հասարակական գործիչ է: Գլխավորել է բազմաթիվ հասարակական-քաղաքական նախաձեռնություններ և մտադրված է շարունակելու հասարակական գործունեությունը նույն ոգով: Նա՝ որպես ֆիզիկոս, ակտիվ է գիտության քաղաքականությանը վերաբերող հարցերում: Սակայն Դանիել Իօաննիսյանի խեղկատակ լինելու, հայ չլինելու, անբարո բարքերին տեղի տալու և անբարո բարքերի կրող լինելու մասին դաշինքի անբարո բարքերին տեղի տալու և անբարո բարքերի կրող լինելու մասին դաշինքի հայտարարությունները արատավորում է իր բարի համբավը:

Բացի այդ հայցվորները համարում են, որ Դանիել Իօաննիսյանի նկատմամբ վիրավորանք է դաշինքի նրա հաշցեին արված ‘գրողի ծոցը ուղղարկենք’ արտահայտությունը:

Բայանդուր Պողոսյանի մասին դաշինքը հայտարարել է ‘Այս գաղափարական վիժվածքը լևոնական երիտ. թևի, առանց համասեռամուլների չի պատկերացնում Հայաստան ու քարկոծում է ‘Մեկ ազգի’ պայքարը համասեռամուլության դեմ...’: Այս հայտարարությունները չեն համապատասխանում իրականությանը քանի որ Բայանդուր Պողոսյանը որևէ լևոնի երիտ. թևի հետ կապ չունի, շատ լավ պատկերացնում է Հայաստանն առանց համասեռամուլների ու երբեք չի քարկոծել ‘Մեկ Ազգի’ պայքարը ընդդեմ համասեռամուլների: Բայանդուր Պողոսյանի հասցեին հայտարարված այս սուտը նաև զրպարտիչ է, քանի որ իրենց հասարակության մեջ ասել մարդու մասին վերոնշյալը, թե նա չի պատկերացնում մեր երկիրն առանց համասեռամուլների, նույնն է, թե մարդու մասին ասելը, որ նար հոգեկան շեղումներ ունի: Այսինքն, հանրության աչքում մարդը, ով չի պատկերացնում Հայաստանն առանց ոչ ավանդական սեռական կողմնորոշում ունեցող քաղաքացիների ‘Գեյեր, լեզբիներ, տրանսսեքսուալներ ու բիսեքսուալներ/ համարվում է ‘լավագույն դեպքում անադեկվատ մարդ, որն, անշուշտ էականորեն վնասում է այդ մարդու հեղինակությունը, իսկ Բայանդուր Պողոսյանի հասցեին դաշինքի կողմից հնչեցրած ‘գաղափարական վիժվածքը’ արտահայտությունը վիրավորանք է:

Հասմիկ Սիմոնյանի մասին դաշինքը հայտարարել է ‘Այս տիկինը, դատապարտվել է Մեկ ազգ դաշինքի պայքարը ընդդեմ համասեռամուլության երևույթի մեկ բան է փաստում, որ ինքը սեռական հեղափոխության վառ կողմնակից է ու Հայաստանը միայն պատկերացնում է համասեռամուլների հոծ բանակի ներքո’:

Այս հայտարարությունն էլ նախորդների նման սուտ է ու զրպարտող: Հասմիկ Սիմոնյանը սեռական հեղինակության կողմնակից չէ /առավել ևս վառ/ և երբեք որևէ տեղ նման կարծիք չի բարձրաձայնել: Հասմիկ Սիմոնյանը բանաստեղծ է, երկու գրքի հեղինակ ՀԳՄ անդամ, ակտիվ գործունեությամբ զբաղվող մտավորական, սիրում է իր հայրենիքը:

Այն հայտարարությունը, թե Հասմիկ Սիմոնյանը Հայաստանը միայն պատկերացնում է համասեռամուլների հոծ բանակի ներքո կրկին զրպարտիչ է, քանի որ Հասմիկը Հայաստանը գտնում է, որ մեր երկրում պետք է լինի միայն մեկ բանակ՝ ՀՀ զինված ուժերը, իսկ Հայաստանը պատկերացնում է համասեռականների /առավել ևս՝ առանց համասեռականների հոծ բանակի/:

Հայցվորներ կարծում են, որ նման հայտարարությունները էական վնաս է հասցնում Հասմիկ Սիմոնյանի գործարար համբավին:

Facebook.com հասցեում սոցիալական ցանցում դաշինքի էջը 2011թվականի դեկտեմբերի 28-ի դրությամբ ուներ 700 հետևորդ, իսկ հայցվորների մասին հրապարակումները բաց մատչելիության էին և դրանց կարող է ծանոթանալ այդ սոցիալական ցանցի հարյուր միլիոնավոր օգտատերերից յուրաքանչյուրը, բացի այդ՝ տվյալ հրապարակումների հղումներն ու դրանց դաշինքին հղվող արտատպումները այն աստիճանի էին շատ, որ գրեթե բոլոր համեմատաբար ակտիվ հայաստանցի օգտատերերը կարդացել էին դրանք /կամ դրանց արտատպումները/:

Դաշինքի վրա հիմնվելով այն արտատպվեց նաև Դանիել Իօաննիսյանի facebook սոց. ցանցի էջում և այն տեսան Դանիել Իօաննիսյանի 1200 ընկերները, որոնց թվում են վերջինիս գործատուները, ղեկավարները, աշխատակիցները, ենթակաները, նրա հասարակական և քաղաքական գործունեության համախոհները ու սատարողները, ընտանիքի անդամները և բազմաթիվ այլ մարդիկ: Հայցվորները գտնում են, որ դաշինքը իր վերոնշյալ հայտարարություններով վիրավորանք է հասցրել Դանիել Իօաննիսյանին և Բայանդուր Պողոսյանին, ինչպես նաև զրպարտել է Դանիել Իօաննիսյանին, Բայանդուր Պողոսյանին և Հասմիկ Սիմոնյանին ու այդ վիրավորանքի ու զրպարտության դեպքերը համապատասխանում են ՀՀ քաղաքացիական օրենսգրքի 1087.1 հոդվածում ամրագրված սահմանումներին:

Հայցվորները գտնում են, որ դաշինքի անդամ կազմակերպությունները հավասարաչափ են կրում պատասխանատվություն դաշինքի հայտարարությունների համար, սակայն իրենց պահանջը ուղղված է հենց Հայաստանի 'Մեկ ազգ' կուսակցությունը, քանի որ այդ առավել հայտնի է և հանրության մեծ մասը 'Մեկ ազգ' կազմակերպությունների դաշինք արտահայտությունը նույնացնում է այն 'Մեկ ազգ' կուսակցության արտահայտությանը: Այդ իսկ պատճառով, հայցվորները պահանջներ չունեն դաշինքի անդամ հանդիսացող /հանրության կողմից լայն ճանաչում չունեցող/ չորս հասարակական կազմակերպությունների հասցեին:

Հարկ են համարում նշել նաև, որ հայցվորների դաշինքի կողմից արված խնդրո առարկա հայտարարությունների մասին տեղեկացել են 2011 թվականի դեկտեմբերի 31-ին, երբ բազմաթիվ օգտատերեր սկսել են արտատպել այն՝ հղվելով դաշինքի վրա:

Հայցվորները խնդրել են ճանաչել զրպարտությունների և վիրավորանքների վերոնշյալ դեպքերը և պատասխանող կազմակերպությունից հայցվորների պատիվը, արժանապատվությունը և գործարար համբավը արատավորելու համար հայցվորների օգտին բռնագանձել դրամական փոխհատուցում: Ինչպես նաև հարկադրել հրապարակավ ներողություն խնդրել Դանիել Իօաննիսյանից, Բայանդուր Պողոսյանից՝ վերջիններիս վիրավորելու համար ու հրապարակավ հերքել երեք հայցվորի մասին տարածված զրպարտիչ տեղեկատվությունը: Փոխհատուցում խնդրել են սահմանել հետևյալ կերպ՝ Դանիել Իօաննիսյանի օգտին 10 դրամ զրպարտության համար և ևս 10 դրամ վիրավորանքի համար:

Ընդհանուր առմամբ 20 դրամ:

Բայանդուր Պողոսյանի օգտին 10 դրամ զրպարտության համար և ևս 10 դրամ վիրավորանքի համար: Ընդհանուր առմամբ 20 դրամ:

Հասմիկ Սիմոնյանի օգտին 10 դրամ զրպարտության համար:

Ընդհանուր փոխհատուցումը վիրավորանքի ու զրպարտության դեպքերի համար՝ 50 դրամ:

Հայցվորների պահանջած գումարի չափը սիմվոլիկ է և անհամաչափորեն

բազմապատիկ անգամներ ավելի փոքր է, քանի իրենց համբավին հասցված վնասը, սակայն իրենք նպատակ չունեն սնանկացնելու պատասխանողին կամ նրա հաշվին հարստանալու:

Բացի այդ պատասխանողներից հոգուտ հայցվորների խնդրել են բռնագանձել դատական բոլոր ծախսերը այդ թվում հայցադիմումի և դրան կից փաստաթղթերի ու սկավառակի պատրաստման, տպման և հարակից ծախսեր 10հազար դրամ: Ընդհանուր առմամբ պատասխանողներից հայցվորների օգտին խնդրել են բռնագանձել 10050 դրամ: Հայցվորների համար դատական յուրաքանչյուր նիստին ներկայանալու տրանսպորտային ծախսեր՝ 400-ական դրամ /յուրաքանչյուր նիստի համար/:

Դատաքննության ժամանակ հայցվորներ Դանիել Իոաննիսյանն ու Բայանդուր Պողոսյանը բացատրություն տվեցին դատարանին, ներկայացնելով իրենց պահանջներն ու հիմնավորումները և խնդրեցին ճանաչել գրպարտությունների և վիրավորանքների դեպքերը և պատասխանող կազմակերպությունից հայցվորների պատիվը, արժանապատվությունը և գործարար համբավը արատավորելու համար հայցվորների օգտին բռնագանձել դրամական փոխհատուցում: Ինչպես նաև հարկադրել հրապարակավ ներողություն խնդրել Դանիել Իոաննիսյանից, Բայանդուր Պողոսյանից՝ վերջիններիս վիրավորելու համար ու հրապարակավ հերքել իրենց մասին տարածված գրպարտիչ տեղեկատվությունը:

Փոխհատուցում սահմանել հետևյալ կերպ՝ Դանիել Իոաննիսյանի օգտին 10 դրամ գրպարտության համար և ևս 10 դրամ վիրավորանքի համար: Ընդհանուր առմամբ 20 դրամ:

Բայանդուր Պողոսյանի օգտին 10 դրամ գրպարտության համար և ևս 10 դրամ վիրավորանքի համար: Ընդհանուր առմամբ 20 դրամ: Ինչպես նաև պատասխանողից հոգուտ հայցվորների բռնագանձել դատական բոլոր ծախսերը՝ այդ թվում հայցադիմումի և դրան կից փաստաթղթերի ու սկավառակի պատրաստման, տպման և հարակից ծախսերը 10 հազար դրամ:

Ընդհանուր առմամբ պատասխանողից հայցվորների օգտին խնդրեցին բռնագանձել 10050 դրամ: Հայցվորների համար դատական յուրաքանչյուր նիստին ներկայանալու տրանսպորտային ծախսերը՝ 400-ական դրամ /յուրաքանչյուր նիստի համար/:

Հայցվոր Հասմիկ Սիմոնյանը պատշաճ ձևով տեղեկացվել է դատական նիստի /դատաքննության/ ժամանակի և վայրի մասին, սակայն դատական նիստին չի ներկայացել:

Համաձայն ՀՀ քաղաքացիական դատավարության օրենսգրքի 118 հոդվածի 2-րդ մասի՝ դատական նիստի ժամանակի և վայրի մասին պատշաճ ձևով տեղեկացված պատասխանողի կամ հայցվորի չներկայանալն արգելք չէ գործի քննության համար:

3. Պատասխանողի դիրքորոշումը

Պատասխանողը հայցադիմումի վերաբերյալ պատասխան է ներկայացրել, հայտնելով, որ այն մեղադրանքները, որոնք հնչեցվել են քաղաքացիներ՝ Դանիել Իոաննիսյանի, Բայանդուր Պողոսյանի և Հասմիկ Սիմոնյանի կողմից՝ ‘Մեկ ազգ’ կուսակցության մասով՝ անհիմն են: Մեկ պարզ պատճառով, քանի որ այն խոսքերը, որը մեկնաբանության տեսքով տեղադրվել են \$եյս-Բուքյան կայքում՝ առկա ‘Մեկ ազգ’ կազմակերպությունների դաշինքին պատկանող էջում, տեղադրվել են ոչ թե ‘Մեկ ազգ’ կուսակցության կամ ‘Մեկ ազգ’ կազմակերպությունների դաշինքի ղեկավարության կողմից կամ նրա հանձնարարականով, այլ այն տեղադրվել է ‘Մեկ ազգ’ կազմակերպությունների դաշինքի երիտ. թևի անդամ՝ Կարապետ Տիգրանի

Թուժանյանի ինքնագլուխ նախաձեռնությամբ, հետևաբար, ոչ ‘Մեկ ազգ’ կուսակցությունն և ոչ էլ ‘Մեկ ազգ’ կազմակերպությունների դաշինքը, որի մաս կազմում է նաև ‘Մեկ ազգ’ կուսակցակցությունն իրավական կամ քաղաքական պատասխանատվություն չի կարող կրել, վերոնշյալ հայցվորնի առջև: Իսկ քաղաքացի Կարապետ Տիգրանի Թուժանյանն ընդունում է, որ ինքը տուրք է տվել՝ իր հայրենասիրական զգացումներին ու ‘Մեկ ազգ’ կազմակերպությունների դաշինքի պայքարն ընդդեմ աղանդավորության, ընդդեմ համասեռամոլության երևույթի՝ դատապարտող քաղաքացիների առջև, ինքն է կրում իրավական պատասխանատվություն ու պատրաստ է գրավոր այն ներկայացնելու դատարանին:

II

1. Գործի փաստերը

- ‘Մեկ ազգ կազմակերպությունների դաշինք’ ‘այս գաղափարական վիժվածքը լևոնական երիտ թևի, առանց համասեռամոլների չի պատկերացնում Հայաստանը ու քարկոծում է Մեկ ազգ դաշինքի պայքարը համասեռամոլության դեմ, մեր մոտ միանշանակ մեկ կարծիք է ձևավորվել, որ պարտադիր պետք է համասեռամոլության կղմնակից լինես, որ նոր դառնաս լևոնական երիտ թևի անդամ, դե աշխատավրձը իրենց մոտ միայն գրանդի տեսքով է լինում, իսկ պայմանը մեկն է քարոզի անբարոյականություն ու կազմալուծի հայ ազգի բարոյական նկարագիրը:

- ‘Մեկ ազգ կազմակերպությունների դաշինք’ ‘այս տիկինը դատապարտելով մեկ ազգի դաշինքի պայքարը ընդդեմ համասեռամոլության երևույթի, մեկ բան է փաստում, որ ինքը սեռական հեղափոխության վառ կողմնակից է, ու Հայաստանը միայն պատկերացնում է համասեռամոլների հոծ բանակի ներքո...’:

- ‘Մեկ ազգ կազմակերպությունների դաշինք’ ևս մեկ համասեռամոլների պաշտպան, ով դատապարտում է Մեկ ազգ դաշինքի պայքարը ընդդեմ համասեռամոլության... սա Րաֆֆի Հովհաննիսյանի երիտթևի անդամ է... ակտիվ անդամ... ճանաչեք հայեր, թե ովքեր են տուրք տալիս անբարո բարքերին’:

- ‘Մեկ ազգ կազմակերպությունների դաշինք’ ‘Ձեր արևմտամետ լևոնական ու ռաֆֆիական ճամբարը կուղարկեք գրողի ծոցը...Ձեր անբարո գաղափարների հետ... միայն զորեղ Հայաստան, միայն հայ առաքելական եկեղեցի...’:

- ‘Մեկ ազգ կազմակերպությունների դաշինք’ ‘Այս խեղկատակը նույնիսկ ազգությամբ հայ չէ’:

- Համաձայն իրավաբանական անձի պետական գրանցման թիվ 03 Ա 061146 վկայականի՝ Հայաստանի ‘Մեկ ազգ’ կուսակցության գտնվելու վայրն է՝ Շինարարների 312., բն.72, նախագահին է՝ Գոռ Թամազյանը:

2. Դատարանի վերլուծությունը և կիրառելի իրավունքը

Լսելով կողմերի բացատրությունները, քաղաքացիական գործում եղած բոլոր գրավոր ապացույցների բազմակողմանի, լրիվ և օբյեկտիվ հետազոտության հիման վրա գնահատելով յուրաքանչյուր ապացույց, դատարանը գտնում է, որ հայքը ենթակա է բավարարման մասնակի՝ հետևյալ պատճառաբանությամբ.

ՀՀ Սահմանադրության 14 հոդվածի համաձայն՝ մարդու արժանապատվությունը՝ որպես նրա իրավունքների ու ազատությունների անքակտելի հիմք, հարգվում և պաշտպանվում է պետության կողմից:

ՀՀ քաղաքացիական օրենսգրքի 1087.1-րդ հոդվածի համաձայն՝ Անձը, որի պատիվը, արժանապատվությունը կամ գործարար համբավը արատավորել են վիրավորանքի կամ զրպարտության միջոցով, կարող է դիմել դատարան՝ վիրավորանք հասցրած կամ զրպարտություն կատարած անձի դեմ:

Հայցվորները, դիմել են դատարան ընդդեմ ‘Մեկ ազգ’ կուսակցության, ի դեմս

կուսակցության նախագահ Գոռ Թամազյանի, 'Facebook' համացանցային կայքում 'Մեկ ազգ' կազմակերպությունների դաշինք՝ խորագրի ներքո իրենց վերաբերյալ արված արտահայտությունները որպես վիրավորանք և զրպարտություն գնահատելու պահանջով:

Համաձայն իրավաբանական անձի պետական գրանցման թիվ 03 Ա 061146 վկայականի՝ Հայաստանի 'Մեկ ազգ' կուսակցությունը գրանցված է որպես կուսակցություն, նրա գտնվելու վայրն է՝ Շինարարների 312., բն.72, նախագահն է՝ Գոռ Թամազյանը:

Հիմք ընդունելով պատասխանող Գ. Թամազյանի բացատրությունները, դատարանն արձանագրում է, որ 'Facebook' համացանցային կայքում 'Մեկ ազգ' կազմակերպությունների դաշինք՝ խորագրով կայքէջը վերահսկվում է 'Մեկ ազգ' կուսակցության պատասխանատուների կողմից և նշված կայքէջում արված մեկնաբանությունները կարող են ընկալվել հասարակության կողմից որպես 'Մեկ ազգ' կուսակցության անունից արված մեկնաբանություններ, թեև 'Մեկ ազգ' կազմակերպությունների դաշինք՝ խորագրի ներքո հայցվորների վերաբերյալ կատարված մեկնաբանությունների հեղինակը 'Մեկ ազգ' կուսակցության երիտ թևի անդամ Կարապետ Թումանյանն է:

ՀՀ քաղաքացիական օրենսգրքի 1087.1-րդ հոդվածի 2-րդ կետի համաձայն՝ սույն օրենսգրքի իմաստով վիրավորանքը խոսքի, պատկերի, ձայնի, նշանի կամ այլ միջոցով պատիվը, արժանապատվությունը կամ գործարար համբավն արատավորելու նպատակով կատարված հրապարակային արտահայտությունն է: ՀՀ վճռաբեկ դատարանն իր 27.04.2012թ. ԼԴ/0749/02/10 որոշմամբ սահմանել է, որ ՀՀ քաղաքացիական օրենսգրքի 1087.1 հոդվածի 2-րդ մասի դրույթների վերլուծությունից հետևում է, որ վիրավորանքը (պատիվը, արժանապատվությունը կամ գործարար համբավը արատավորելու նպատակով կատարված հրապարակային արտահայտությունը) կարող է դրսևորվել խոսքով, ինչպես բանավոր, այնպես էլ գրավոր, պատկերների միջոցով (նկարներ, տարածական պատկերներ), ձայնի (ինչպես բանավոր խոսքը, այնպես էլ տարբեր հնչերանգների կիրառումը), նշանների միջոցով (ժեստիկուլացիաներ, սիմվոլներ):

Անդրադառնալով 'Մեկ ազգ' կազմակերպությունների դաշինք՝ խորագրի ներքո 'Facebook' համացանցային կայքում արված արտահայտություններին, ապա դատարանն արձանագրում է, որ դրանք որպես վիրավորանք գնահատելու համար անհրաժեշտ է որպիսի

1. դրանք արատավորեն անձի պատիվը, արժանապատվությունը և գործարար համբավը, որպիսի փաստը ապացուցելու դատավարական բեռը կրում է հայցվորը,
2. արտահայտություն կատարողն ի սկզբանե հետապնդի անձի պատիվը, արժանապատվությունը կամ գործարար համբավն արատավորելու նպատակ, այսինքն՝ պետք է իր կատարած արտահայտությամբ անձի հեղինակությունը նսեմացնելու և նրան նվաստացնելու դիտավորություն ունենա: Մասնավորապես՝ նման նպատակի առկայության մասին կարող է վկայել այնպիսի իրավիճակը, երբ անձը ողջամիտ բոլոր հնարավոր միջոցները չի ձեռնարկել տեղեկատվության՝ իրականությանը համապատասխանելու հանգամանքը ճշտելու համար կամ էլ գիտեր կամ ակնհայտորեն պետք է իմանար տեղեկատվության՝ ստույգ փաստերի վրա հիմնված չլինելու մասին: Այս փաստի ապացուցման բեռը նույնպես կրում է հայցվորը:

3. արտահայտությունը կատարված լինի հրապարակային ձևով, որպիսի փաստի ապացուցման դատավարական բեռը դարձյալ կրում է հայցվորը: Հրապարակային կարող են համարվել առնվազն երկու անձի ներկայությամբ կատարված արտահայտությունները և ներկայացված փաստերը:

ՀՀ վճռաբեկ դատարանն իր 27.04.2012թ. ԼԴ/0749/02/10 որոշմամբ արձանագրել է

Նաև, որ հրապարակային արտահայտությունը կամ հրապարակային ներկայացումը կարող է դրսևորվել տպագրության միջոցով, ռադիոյի կամ հեռուստատեսության միջոցով հեռարձակմամբ, զանգվածային լրատվության միջոցներով տարածմամբ, համացանցի միջոցով տարածմամբ, ինչպես նաև հեռահաղորդակցության այլ միջոցների օգտագործմամբ, հրապարակային ելույթներով, կամ որևէ այլ կերպ թեկուզ մեկ երրորդ անձի դրանց հաղորդակից դարձնելով: Այդպիսի արտահայտությունների ներկայացումը հասցեատիրոջը չի կարող համարվել հրապարակային, եթե դրանք ներկայացնող անձը բավականաչափ միջոցներ է ձեռնարկել դրանց գաղտնիությունն ապահովելու ուղղությամբ, որպեսզի դրանք հասանելի չդառնան այլ անձանց:

Հիմք ընդունելով հայցվոր կողմի ներկայացրած ապացույցները, դատարանն արձանագրում է, որ ‘Facebook’ համացանցային կայքում ‘Մեկ ազգ’ կազմակերպությունների դաշինք՝ ֆեյսբուքյան էջում հայցվորների վերաբերյալ մեկնաբանությունները կատարվել են ‘հասանելի է բոլորին’ հնարավորության ներքո:

ՀՀ վճռաբեկ դատարանի մեկնաբանությունների համաձայն, ՀՀ քաղաքացիական օրենսգրքի 1087.1 հոդվածում ամրագրված վիրավորանքի սահմանումը չի կարող ենթադրել, որ անձի համբավին վնաս պատճառող ցանկացած բացասական կարծիք կամ որոշակի փաստական հիմք ունեցող գնահատող դատողություն պաշտպանված չէ օրենքով: Եվրոպական դատարանի իրավական դիրքորոշումներով պաշտպանվում է բացասական կարծիքի կամ գնահատող դատողության արտահայտումը այնքանով, որքանով այն հիմնված է հաստատված կամ ընդունված փաստերի վրա:

Անդրադառնալով ‘Ստոլյգ փաստերե եզրույթին’ ՀՀ վճռաբեկ դատարանն ընդգծել է, որ այդպիսիք հանդիսանում են այն փաստերը, որոնք հիմնավորվում են ապացույցներով տեղեկատվության հրապարակման հետ միաժամանակ կամ հանդիսանում են հանրահայտ փաստեր (ապացուցման անհրաժեշտություն չունեցող):

Վերագրյալ մեկնաբանությունների լույսի ներքո գնահատելով պատասխանող կողմի դիրքորոշումը հայցվորների առնչությամբ կատարված արտահայտությունների վերաբերյալ, դատարանը գտնում է, որ մասնավորապես ‘այս գաղափարական վիժվածքը’ արտահայտությունը հասցեագրված Բ. Պողոսյանին և ‘Այս խեղկատակը’՝ Դ. Իօաննիսյանին, հրապարակային արտահայտված խոսքի միջոցով նրանց պատիվը, արժանապատվությունն արատավորելու նպատակով կատարված հրապարակային արտահայտություններ են, այսինքն վիրավորանք, քանի որ մասնավորապես է. Բ. Աղայանի Արդի հայերենի բացատրական բառարանում ‘խեղկատակ’ բառն ի թիվս այլ բացատրությունների, մասնավորապես ‘պալատում կամ բարձր իշխանական տներում ծառայող անձ’, ‘կրկեսում կամ լարախաղացության ընթացքում զվարճալի խոսքերով...ուրախացնող...անձ’ տալիս է ‘թեթևտլիկ, անլուրջ, թեթևամիտ’ բացատրությունը, և քանի որ ըստ գործով ձեռք բերված փաստերի արտահայտությունը կատարողը ‘խեղկատակ’ բառը չի օգտագործել որպես մասնագիտության, զբաղմունքի նշում, ուստի դատարանը գտնում է, որ ‘խեղկատակ’ բառն իրավամբ կարող է տվյալ դեպքում գնահատվել որպես վիրավորանք՝ ուղղված հայցվոր Դ. Իօաննիսյանին, իսկ անդրադառնալով է. Բ. Աղայանի Արդի հայերենի բացատրական բառարանում ‘վիժվածք’ բառի բացատրությանը, այն է՝ արտավիժված նյութ, հասարակության տականք, անարգ ստոր արարած, դատարանը գտնում է, որ “գաղափարական վիժվածք” բառակապակցությունը վիրավորանք է արտահայտված հայցվոր Բ. Պողոսյանի հասցեին:

Ինչ վերաբերում է լևոնական երիտ թևի, առանց համասեռամուլների չի պատկերացնում Հայաստանը ու քարկոծում է Մեկ ազգ դաշինքի պայքարը համասեռամուլության դեմ, մեր մոտ միանշանակ մեկ կարծիք է ձևավորվել, որ պարտադիր պետք է համասեռամուլության կողմնակից լինես, որ նոր դառնաս լևոնական երիտ թևի անդամ, դե աշխատավարձը իրենց մոտ միայն գրանդի տեսքով է լինում, իսկ պայմանը մեկն է քարոզի անբարոյականությունն ու կազմալուծի հայ ազգի բարոյական նկարագիրը՝, ‘այս տիկինը դատապարտելով մեկ ազգի դաշինքի պայքարը ընդդեմ համասեռամուլության երևույթի, մեկ բան է փաստում, որ ինքը սեռական հեղափոխության վառ կողմնակից է, ու Հայաստանը միայն պատկերացնում է համասեռամուլների հոծ բանակի ներքո...’, ‘ևս մեկ համասեռամուլների պաշտպան, ով դատապարտում է Մեկ ազգ դաշինքի պայքարը ընդդեմ համասեռամուլության... սա Բաֆֆի Հովհաննիսյանի երիտթևի անդամ է... ակտիվ անդամ... ճանաչեք հայեր, թե ովքեր են տուրք տալիս անբարո բարքերին’, ‘Ձեր արևմտամետ լևոնական ու րաֆֆիական ճամբարը կուղարկեք գրողի ծոցը...Ձեր անբարո գաղափարների հետ... միայն գորեղ Հայաստան, միայն հայ առաքելական եկեղեցի...’, ‘նույնիսկ ազգությանը հայ չէ՝ արտահայտություններին, ապա դատարանը դրանք չի գնահատում որպես ոչ վիրավորանք և ոչ զրպարտություն, քանի որ դրանք վերացական արտահայտություններ են, ավելին՝ որևէ կուսակցության պատկանելի, կամ որևէ մեկի պաշտպան լինելը, կամ գաղափարներ կրելը կամ տարածելը, ազգությանը հայ չլինելը կամ այդ մասին տեղեկատվություն տարածելը, նույնիսկ իրականությանը չհամա-պատասխանող, իրականում չեն կարող արատավորել անձի պատիվը, արժանապատվությունը կամ գործարար համբավը:

ՀՀ քաղաքացիական օրենսգրքի 1087.1-րդ հոդվածի 3-րդ կետի համաձայն՝ նույն օրենսգրքի իմաստով զրպարտությունն անձի վերաբերյալ այնպիսի փաստացի տվյալներ (statement of fact) հրապարակային ներկայացնելն է, որոնք չեն համապատասխանում իրականությանը և արատավորում են նրա պատիվը, արժանապատվությունը կամ գործարար համբավը:

ՀՀ Վճռաբեկ դատարանն իր վերոգրյալ որոշմամբ անդրադառնալով կոնկրետ արտահայտության՝ զրպարտություն գնահատելու չափանիշներին, արձանասրել է, որ՝

1. անձի վերաբերյալ պետք է ներկայացված լինեն փաստացի տվյալներ, այսինքն՝ ներկայացվածն իր մեջ պետք է պարունակի կոնկրետ, հստակ տեղեկություններ որոշակի գործողության կամ անգործության վերաբերյալ, այն չպետք է լինի վերացական,
2. անձի վերաբերյալ փաստացի տվյալները պետք է ներկայացված լինեն հրապարակային,
3. ներկայացված փաստացի տվյալները պետք է չհամապատասխանեն իրականությանը, այսինքն՝ պետք է լինեն սուտ, անհիմն, ոչ հավաստի,
4. ներկայացված փաստացի տվյալներն իրականում պետք է արատավորեն անձի պատիվը, արժանապատվությունը կամ գործարար համբավը:

Այսինքն դատարանն արձանագրում է, որ հայցվորների պահանջը վերոգրյալ արտահայտությունները որպես վիրավորանք և զրպարտություն գնահատելու և որոշակի հետևանքներ կիրառելու մասին անհիմն են և Դ. Իրանիսյանի, Բ. Պողոսյանի և Հ. Սիմոնյանի հայցն այդ մասով ենթակա է մերժման:

Անդրադառնալով հայցվորներից Դ. Իրանիսյանին և Բ. Պողոսյանին հասցված վիրավորանքի համար վնասի փոխհատուցման խնդրին, դատարանն արձանագրում է, որ ՀՀ քաղաքացիական օրենսգրքի 1087.1-րդ հոդվածի 7-րդ կետի համաձայն՝ վիրավորանքի դեպքում անձը կարող է դատական կարգով պահանջել հետևյալ միջոցներից մեկը կամ մի քանիսը՝

1) հրապարակայնորեն ներողություն խնդրել: Ներողություն խնդրելու ձևը սահմանում է դատարանը.

2) եթե վիրավորանքը տեղ է գտել լրատվական գործունեություն իրականացնողի տարածած տեղեկատվության մեջ, ապա լրատվության այդ միջոցով լրիվ կամ մասնակի հրապարակել դատարանի վճիռը: Հրապարակման եղանակը և ծավալը սահմանում է դատարանը.

3) սահմանված նվազագույն աշխատավարձի մինչև 1000-ապատիկի չափով փոխհատուցում վճարել:

ՀՀ վճարել դատարանն իր վերոնշյալ որոշմամբ արձանագրելով, որ գործ ունենալով անձի՝ իր պատվի, արժանապատվության, գործարար համբավի նկատմամբ հարգանք պահանջելու Կոնվենցիայով և ՀՀ Սահմանադրությամբ ամրագրված և երաշխավորված իրավունքների հետ, անհրաժեշտ է համարել նշել, որ փոխհատուցման չափ սահմանելու յուրաքանչյուր դեպքում պետք է հաշվի առնվի վիրավորանք և զրպարտանք կատարած անձի ֆինանսական վիճակը և բացառվի փոխհատուցման այնպիսի չափերի և ձևերի սահմանումը, որոնք կարող են վճարողը նշանակություն ունենալ պատասխանող կողմի համար, առավել ևս, եթե պատասխանող կողմը զանգվածային լրատվության միջոց է՝ նրա հետագա գործունեությունը շարունակելու առումով:

Տվյալ համատեքստում գնահատելով հայցվորներ Դ. Իոաննիսյանի և Բ. Պողոսյանի պահանջներին գտնում է, որ պետք է պատասխանողին հարկադրել հրապարակավ ներողություն խնդրել Դանիել Իոաննիսյանից, Բայանդուր Պողոսյանից՝ վերջիններիս վիրավորելու համար, և վիրավորանքին համաչափ փոխհատուցում սահմանել՝ Դանիել Իոաննիսյանի օգտին բռնագանձել 10 դրամ վիրավորանքի համար, Բայանդուր Պողոսյանի օգտին 10 դրամ վիրավորանքի համար:

Մասնավորապես, Դանիել Իոաննիսյանին և Բայանդուր Պողոսյանին՝ այս գաղափարական վիժվածքը՝ և՛ «Այս խեղկատակը» բառերի միջոցով վիրավորանք հասցնելու համար պարտավորեցնել «Մեկ Ազգ» կուսակցությանը հրապարակավ ներողություն խնդրել Դանիել Իոաննիսյանից և Բայանդուր Պողոսյանից՝ «Facebook» համացանցային կայքում «Մեկ ազգ» կազմակերպությունների դաշինք» ֆեյսբուքյան էջում ներողության տեքստը տեղադրելու միջոցով և՛ «Մեկ Ազգ» կուսակցությունից հոգուտ Դանիել Իոաննիսյանի և Բայանդուր Պողոսյանի բռնագանձել յուրաքանչյուրի համար 10-ական /տաս/ ՀՀ դրամ:

Անդրադառնալով հայցվորների՝ պատասխանողից հոգուտ հայցվորների դատական բոլոր ծախսերը՝ այդ թվում հայցադիմումի և դրան կից փաստաթղթերի ու սկավառակի պատրաստման, տպման և հարակից ծախսերը 10 հազար դրամ, հայցվորների համար դատական յուրաքանչյուր նիստին ներկայանալու տրանսպորտային ծախսերը՝ 400-ական դրամ /յուրաքանչյուր նիստի համար/ բռնագանձելու պահանջին, ապա դատարանն արձանագրում է, որ ՀՀ քաղաքացիական դատավարության օրենսգրքի 68 և 73 հոդվածների ուժով դատական ծախսեր են համարվում պետական տուրքի, փորձագետին, վկային կանչելու, ապացույցները դրանց գտնվելու վայրում գննելու, փաստաբանի խելամիտ վարձատրության և գործի քննության հետ կապված այլ գործողությունների համար վճարման ենթակա գումարներից, որոնք գործին մասնակցող անձանց միջև բաշխվում են բավարարված հայցապահանջների չափին համամասնորեն: Դատարանն արձանագրում է նաև, որ հայցվորները դատարան չեն ներկայացրել որևէ ապացույց առ այն, որ իրենք կատարել են գործի քննության հետ կապված որևէ դատական ծախս, ավելին՝ նրանք դատարան են ներկայացրել միջնորդություն՝ պետական տուրքի վճարումը հետաձգելու մասին, որը դատարանի Պետական տուրքի վճարումը տարաժամկետելու, հայցադիմումը վարույթ ընդունելու և նախնական դատական նիստ հրավիրելու մասին

02.02.2012թ. որոշմամբ բավարարվել է:

Միաժամանակ անդրադառնալով դատական ծախսերի հարցին, դատարանը գտնում է, որ ՀՀ քաղաքացիական դատավարության օրենսգրքի 68, 73 հոդվածների և ‘Պետական տուրքի մասին’ ՀՀ օրենքի համաձայն, հայցվոր Դանիել Իօաննիսյանից հօգուտ ՀՀ պետական բյուջեի բռնագանձել 4063 ՀՀ դրամ, հայցվոր Բայանդուր Պողոսյանից` 4063 ՀՀ դրամ իսկ հայցվոր Հասմիկ Սիմոնյանից` 4067 ՀՀ դրամ` որպես պետական տուրքի գումար: Պատասխանող ‘Մեկ Ազգ’ կուսակցությունից հօգուտ ՀՀ պետական բյուջեի բռնագանձել 8004 /յոթ հարյուր քսան/ ՀՀ դրամ` որպես պետական տուրքի գումար: Ուստի վերոգրյալի հիման վրա և ղեկավարվելով ՀՀ քաղ. դատ. օր-ի 130-132 հոդվածներով դատարանը,

ՎճՌԵՑ

Դանիել Իօաննիսյանի, Բայանդուր Պողոսյանի, Հասմիկ Սիմոնյանի ընդդեմ ‘Մեկ Ազգ’ կուսակցության` պատասխանող կազմակերպությունից հայցվորների պատիվը, արժանապատվությունը և գործարար համբավը արատավորելու համար գումարի բռնագանձման, ինչպես նաև հրապարակային ներողություն խնդրելու պահանջի մասին’, բավարարել մասնակի.

Դանիել Իօաննիսյանին և Բայանդուր Պողոսյանին ‘այս գաղափարական վիժվածքը’ և ‘Այս խեղկատակը’ բառերի միջոցով վիրավորանք հասցնելու համար պարտավորեցնել ‘Մեկ Ազգ’ կուսակցությանը հրապարակավ ներողություն խնդրել Դանիել Իօաննիսյանից և Բայանդուր Պողոսյանից ‘Facebook’ համացանցային կայքում ‘Մեկ Ազգ’ կազմակերպությունների դաշինք’ ֆեյսբուքյան էջում ներողության տեքստը տեղադրելու միջոցով և ‘Մեկ Ազգ’ կուսակցությունից հօգուտ Դանիել Իօաննիսյանի և Բայանդուր Պողոսյանի բռնագանձել յուրաքանչյուրի համար 10-ական /տաս/ ՀՀ դրամ:

Հայցը մնացած պահանջների մասով` մերժել:

Հայցվոր Դանիել Իօաննիսյանից հօգուտ ՀՀ պետական բյուջեի բռնագանձել 4063 /չորս հազար վաթսուներեք/ ՀՀ դրամ` որպես պետական տուրքի գումար:

Հայցվոր Բայանդուր Պողոսյանից հօգուտ ՀՀ պետական բյուջեի բռնագանձել 4063 /չորս հազար վաթսուներեք/ ՀՀ դրամ` որպես պետական տուրքի գումար:

Հայցվոր Հասմիկ Սիմոնյանից հօգուտ ՀՀ պետական բյուջեի բռնագանձել 4067 /չորս հազար վաթսույոթ/ ՀՀ դրամ` որպես պետական տուրքի գումար:

Պատասխանող ‘Մեկ Ազգ’ կուսակցությունից հօգուտ ՀՀ պետական բյուջեի բռնագանձել 8004 /ութ հազար չորս/ ՀՀ դրամ` որպես պետական տուրքի գումար:

Վճիռն օրինական ուժի մեջ մտնելուց հետո կամովին չկատարելու դեպքում այն կկատարվի դատական ակտերի հարկադիր կատարման ծառայության միջոցով` պարտապանի հաշվին:

Վճիռն օրինական ուժի մեջ մտնելուց հետո կամովին չկատարելու դեպքում այն կկատարվի դատական ակտերի հարկադիր կատարման ծառայության միջոցով` պարտապանի հաշվին:

Վճիռն օրինական ուժի մեջ է մտնում հրապարակման օրվանից մեկ ամիս հետո և կարող է բողոքարկվել ՀՀ վերաքննիչ քաղաքացիական դատարան հրապարակման օրվանից մեկամսյա ժամկետում:

ԴԱՏԱՎՈՐ

Ա. ՄԽԻԹԱՐՅԱՆ

Ծանոթություն: Սույն վճռի դեմ վերաքննիչ բողոք չի ներկայացվել, և վճիռը մտել է օրինական ուժի մեջ _____2012թ.:

ԴԱՏԱՎՈՐ

Ա. ՄԽԻԹԱՐՅԱՆ